

静修先生文集

五

靜修先生文集卷之十一

七言絕句

臘盡

小雪初晴臘盡時無窮梅柳怨開遲人間不覺春來早
只有吾家布被知

讀史評

記錄紛紛已失真語言輕重在詞臣若將字字論心術
恐有無邊受屈人

試筆二首

得意好花開易落惱人芳草燒還生亂多治少君知否
陰偶湯竒理自明

眼花不見羲之俗口快爭言杜甫村我欲鑿山藏此筆
高情千古約重論

山中客夜

鞍馬南州五日程豈知物外有茅亭塵埃累困人如醉
月露夜涼天亦醒

抱陽南軒

下瞰懸崖老木稠輕風毛髮散涼秋蒼苔白石夢初覺
霽月踈雲天欲流

喜雨書事六首

拍手兒童笑不休笑君前日為誰憂天公自有甘霖在
未管渠渠浪白頭

一笑黃河一度清自緣無物盡歡情今朝久旱雨三尺
消得山人酒滿傾

坐占庭蟻戰餘酣一飽無功益自慙但見人人厭梁肉
野夫方覺薺苗甘



雨晴物物自生春
喜氣浮空似有紋
吾亦乾坤物中一
相看草樹共欣欣

為驗陰晴看漏星
要知疎密候蒼聲
夜來還却當時睡
不脫蓑衣直到明

前日南湖枕白雲
蛙聲每厭靜中聞
今朝便覺笙歌上
為是多年不聽君

九日九飲

九首擬黃巢元日十詠體

一飲君聽第一歌
誰從此際見天和
醉鄉開物工夫密
春意空濛尚未多

二飲重賽第二歌
春風毛髮欲婆娑
寸心又到欣然處
莫怪山人語漸多

三飲山人笑且歌
羲皇相去已無多
舉杯為向諸君道
自此光陰柰樂何

四飲須聽第四歌
山人未醉覺顏酡
嘔君輕摘黃花露
滴向杯心生小波

五飲初喧四座歌
黃花滿意入紅螺
人間此樂知無復
魚鳥聞聲亦泰和

六飲相將醉境過
令嚴斟淺欲如何
秋香正滿黃花蕊
宜與南山細斟酌

七飲人驚飲量多
兒童休唱接離歌
青天一帽千年在
只恐西風不奈何

八飲人驚飲量過
劇談不記竟云何
杯中正有春風在
無奈蕭蕭落葉多

九飲蒼巖藉碧葉
江山搖落奈吾何
乾坤閉物胚胎密
中有山人第九歌

山行

西崦人家竹映溪山深雨暗到來遲行窮谷口水才見
流盡巖花春不知

銅雀瓦硯

諸侯負漢已堪憐直筆何爲亦魏編却愛曹瞞臺上瓦
至今猶屬建安年

春曉

要看東風氣象新登臨何處不尋春今朝煙雨細如霧
生意空濛畫得真

以杖畫雪偶成

玉華銀色浩無瑕方寸居然得故家雲重風輕晴不快
暮寒覺比曉來加

仙人圖

千古誰傳海上山坐令人主厭塵寰蓬萊果有神仙在

靜修文集十二

二二

應悔虛名落世間

雲海蒼茫去復還人間此日是何年平生慣見秋風客
只許汾陽會寶然

悵望皇墳寂寞中何從事跡得崆峒可憐千古稱黃老
誰識當年立極功

春暮

病餘身出澹無情但覺春來暖漸生送客出門花已謝
問知昨日是清明

講學而首章

一首

有樂如從天外來春風過處百花开政教萬木夜殫立
何害孤根暖獨廻

人將知我亦何從天在吾家度量中此語誤人君勿信
我心無愠本冲融

講八佾首章一首

以刃傷肌手自危割餘痛切不勝悲心同義理元無間
彼此俱看未忍時
生意條然不遂春根株盤曲欲輪困向前枝葉頑然了
自此乾坤屬不仁

講周而不比章

義理習中好惡真初非由己與由人混然生意流行在
惟有枯筭不受春

講人之生也直章

朝綱一紊國風沉人道方乖鬼境侵生理本直宜細玩
著龜千古在人心

驢客

昨日深山興未闌今朝二女共高寒施施便解驕妻妾

靜修文集十二

一

9

乞態當從此際看

講求仁得仁章一首

山下食薇老興便荆南採藥此心全乾坤月慘煙愁外
留我義皇萬古天

荆棘埋香死不禁清泉芳徑愜幽尋移花旋看新生意
方識西山忍饑心

一元

萬古堂堂共一元欲於何處覓天根試從開閉中間看
始覺乾元獨自尊

新居一首

雪擁閉門儘未除小齋人道似禪居年來日曆無多事
只有求方與借書

萬事休關百病身書囊藥裹最相親年來愛與漁樵話

恐有無心失位人

今月

今月柴關幾客來擬從履齒數莓苔求文道士花前至
載酒門生雨後迴

採栢圖

翠袖重將栢子薰一般心苦為思君思君不為山中苦
為說山中有白雲

採藥

黃精著兩宜深斲栢子經霜可爛收莫道幽人渾懶散
一年忙處是深秋

堯民圖 四首

分得堯天一握多百年安樂邵家窩情知弄月吟風手
不扣南山白石歌

靜修文集卷十二

五

風氣初開理漸融畫圖猶見帝無功意長世短成何事
誰及乾坤再日中

平生喜作許東隣百過摩挲洋畫本昏聞說詩人多感慨
且休持送鄭監門

臯夔遺像凜猶存更比凌煙意氣真但使尊前有如此
不慚只作許東隣

豳風圖 三首

畫裏春風在眼前詩中雅意若為傳憑誰更譜絃歌了
細味周家八百年

惟願將身入畫中野人何敢夢周公一區共買橫渠上
儘有新詩續正風

採詩千古要觀風十室誰言九室空寄語當年長樂老
回頭無忘聶夷中

觀梅有感

東風吹落戰塵沙，夢想西湖處士家。只恐江南春意減，此心元不爲梅花。

山家

馬蹄踏水亂明霞，醉袖迎風受落花。怪見溪童出門望，鵲聲先我到山家。

溪上

空爰蒼苔如見侵，攜筇隨水就輕陰。松風似厭灘聲小，雲影旋移山色深。

偶書

蜜割舊脾花又發，泥生新雨燕方還。一瓢有分吾自足，萬物勞生誰獨閑。

西郊

偶因訪客出西城，一色寒蕪滿意平。行過溪橋嘗腳力，招來野老問山名。

夏日

庭戶無人綠滿苔，巡簷繞砌菜花開。酒醒夢覺日將午，蜂學遠山風雨來。

早秋

昨朝一葉見秋生，今日千巖萬壑清。欲借西風蘇病骨，暫來石上聽松聲。

春盡

草閣垂簾晝掩扉，客來如我出門稀。鳥鳴澹與人相對，花落方知春已歸。

寒食道中

簪花楚楚歸寧女，荷鍤紛紛下塚人。萬古人心生意在，

又隨桃李一番香

行藥有心

未言先歎少知_心有客每憂無可人
偶到階前見芳草
乾坤何物不歸_心日

故園寒食

清明酒熟老人醉
拜掃歸來壯士耕
此是吾家舊寒食
只今惟有故鄉情

山家

孟氏養親惟小園
董生有吏索租錢
留詩自愧非韓杜
聊託林宗識子賢

宿山寺

四面雲山消百憂
一方禪榻有真游
月明夢覺不知夜
雨過風生渾口秋

人靜修一集十二

一十七

感事

高天厚地古少同
共在人形視息中
四海堂堂皆漢土
誰知流淚在玉銅

廢園

路傍雙石立崔嵬
曾見游人幾往來
想得當年全盛日
好山橫處盡樓臺

記夢

眼中天變暗生文
脚底雷轟震寢門
領取天公仁愛意
此心存處更存存

己卯九月廿八日
夢過先妣墓得詩覺而忘其

第三句因足成之

只應老母心酸處
還似孤兒淚盡時
留在此身成底事
回頭二十四年悲

先母下卅今二十四年矣

己卯元日二首

西湖泣血夜將分，感激無如此念真。
四十頭顱今日數，悠悠歲月屬何人。
文廟秋風默坐時，慨然千古入沉思。
許身尚省初心在，道德而今竟似誰。

庚辰元日二首

九齡風骨渺翩翩，解道沉河觸泰山。
還使當年見今日，也應拍手笑癡頑。

曾記西湖酒一卮，乾坤和氣入新詞。
六年未盡冰霜怨，又到春風滿面時。

下山三首

峻嶺重岡儘意宜，要收風景入高明。
下山却向山頭望，始覺從前險處行。

翠霞騰暈紫成堆，收拾雲煙酒一杯。
想見浮嵐在眉宇，人人知道看山迴。

十載煙霞望我深，豈期今日恣登臨。
此行知有詩多少，還盡山靈未了心。

戲判游小詩卷二首

不解煙霞調戲君，強將詩思與山親。
苦吟共道西游樂，林鳥巖花忍笑人。

心境無邊萬象新，直須泉石離風塵。
區區等為紛華役，未分膏肓是達人。

登高有法莫相誣，絕壑懸崖不信渠。
十步回頭五步坐，窻間眉黛笑君愚。

漫記七首

夢覺關頭夢已空，此時方識樂無窮。
便將富貴浮雲比

恐落華歆一擲中

醉知避客猶存禮死不忘骸尚有身一自坡仙生一轉

浮虛十倍晉朝人
坡謂劉伶嘗知忘死未忘骸

安樂名窩有真賞打乖非是要安身坡仙便道學啞啞

負殺園中獨樂人
打乖非是要安身道大方能混世塵

市人明道安樂窩詩也附掌笑先
牛年來學東坡獨樂園詩也

天幕高懸兩部蛙水光山色照黃家忘情未便真忘得

憶竹栽蘆強自誇

我自無行便是藏更將何物要韜光東臯幸有牛溪在

却向長安說醉鄉

百錢破釜發長歎一局贏棋為解顏擾擾自無安脚處

幾人打透利名關
透得利名關便是小

應物何嘗累我真禪家怖死強忘身昨朝一讀雍行錄

却笑當年墮甌人

草亭腫起

萬里乾坤一草亭澹然相對靜儀刑釀成碧酒客難得

生出白雲山更青

寒食出郭

衣冠不似逸人高容貌初無達士驕醉裏騎牛過山北

傍人不信是漁樵

即事

曬罷空庭藥畏收閉門無睡却梳頭過雲幾點黃昏雨

分與蟲聲半霎秋

靜修先生文集卷之十三

七言絕句

冬曉

歲寒心事在蒲團清曉開簾試一觀木稼乍迎紅日影
依稀學似杏花殘

可菴

莫道無衣不可身更從裘葛辨冬春惡惡不可惡惡可
等秤無星恐誤人

許由棄瓢圖二首

人間極目盡洪波誰引南風入浩歌兩耳區區無著處
一瓢孰與萬機多

堯天萬古大無鄰何地容君作外臣莫占箕山最深處
後來恐有避秦人

癸酉書事

靜修文集卷十三

嬌兒索粟一錢空怪見家人不忍中我不怨天貧賤我
吾兒自合享吾窮

米元章雲煙疊嶂圖二首

筆勢或傳是阿章短屏山影露微茫苦心只辦雲煙好
不救人呼作米狂

煙影天機滅沒邊誰從毫末出清妍畫家也有清談弊
到處南華一嗒然

宋理宗南樓風月橫披二首

試聽陰山勅勒歌朔風悲壯動山河南樓煙月無多景
緩步微吟奈爾何

物理興衰不可常每從氣韻見文章誰知萬古中天月
只辦南樓一夜涼

理宗自題絕句其上有併作南樓一

夜涼之句才到中 天萬國明 宋太祖月詩也

題枯木怪石圖

物有常形最奈看看時容易畫時難
竒峰怪木驚人眼 誰信丹青解熱謾

探春

道邊殘雪護頽墻 墻外柔條露淺黃
春意雖微已堪惜 輕寒休近柳梢傍

酬寫真者

自覺形骸已枯槁 何從眉宇尚豪英
知君慣畫麒麟像 乍寫山翁似手生

夢中題吟風亭壁

方榮不拆寒爲塵 已謝重開雨借恩
一種是花元一異 多由天氣少由根

題秋景扇頭

嵐光蒼翠山遠近 木葉青黃霜重輕
萬里晴秋天著色 不曾慘淡入經營

月下

桂華涼冷渺風鬟 灑露一天秋意閑
不記醉中呼李白 傍人笑道是人間

金太子允恭墨竹二首

墨竹猶堪驗一班 金源文物見當年
博山煙暖春闈靜 却笑承乾嗜好偏

手澤明昌秘閣收 當年緹襲爲誰留
露盤流盡金人淚 應恨翔鸞不解愁

游飲山亭二首

卜年種木望成陰 及至成陰礙山色
幾欲斫去心所憐

安得高臺數千尺
山翁一去不復返
亭下幽花空自開
慚愧茅簷雙燕子
飛鳴猶喜故人來

宿山村

石邊流水自縈紆
樹杪閑雲恣卷舒
長怪西山無爽氣
只應少我一茅廬

里社圖二首

賦薄徭輕復有秋
天恩帝力爲誰優
老盆醉殺村夫子
盡道今年好社頭
亂後疲民氣未蘇
荒煙破屋半榛蕪
平生心事羲皇上
回首相看是畫圖

曾點扇頭

晉楚英雄管晏才
當時真眼向誰開
狂生攜著曾兒子

獨向舞雩風下來

獨向舞雩風下來
坐忘門外欲生苔
歸時過著顏家巷
說與城南花正開

燕居圖

伊川門外雪盈尺
茂叔窻前草不除
共識唐虞垂拱意
春風元在仲尼居

理西齋成

朔風裂地雪漫空
辨向西齋作螿蟲
有客敲門憑寄語
高談方對紫陽翁

幽人圖二首

無媒徑路草瀟瀟
山鬼脩篁夢轉遙
手撚幽香意何遠
爲誰終日面岩堯

澗響無心和
考槃雲容有意近
長安野猿窺破中宵夢

却恐山靈不易謾

郭氏家山圖

鹿門煙影接隆中翁媪通家社酒紅只有山童最神駿
舊曾床下拜龐公

書李渤聯德高蹈圖 五首

方寸無窮皦皦天豈惟毛髮要歸全臨終一聽曾元語
愈嘆黔婁有婦賢

天意行藏我自知區區猿鶴亦何爲室無萊婦君休恨
免使狂歌詔仲尼

江湖魏闕有心期莫怪先生起太遲寄謝移書韓博士
山妻元不解啼飢

諸生課罷弄煙霞紡績乘閒爲煮茶白鹿高風有誰繼
草堂貧女晦菴家

人靜修文集卷一

四

萬里江鷗不易馴百年我愛隱居秦歸來匹婦休相笑
老眼真能混世塵

秋山平遠圖

南山千古一悠然誤落關仝筆意邊急著新詩欲收領
已從慘淡失天全

郭熙山水卷

巖姿秋意淡無弦煙影天機滅沒邊更着山翁掩書坐
只應人境兩翛然

憶飲山亭

但得酒同張野飲猶勝事對阮生論他年乞我園亭住
便喚西疇下瀝村

晝睡

世事悠悠莫漫驚直消鼻息幾雷鳴高松似會幽人意

也學鶉鶉枕上聲

客來

老懶相逢口倦開山城無酒慰徘徊家僮使慣知人意
豫設棋枰待客來

啼鳥

幾日春陰幾日晴喚來山鳥話平生杜鵑解道淵明語
只少鷓鴣相和鳴

郝生知林州

到處雲山是我詩不愁無物慰相思只從隆慮煙霞色
領取幽人笑傲姿

謝處士載月圖

扁舟西子五湖過謝客西風兩鬢皤一種清江明月底
憑君試問夜如何

送琴客還泚州

五首

江左衣冠自昔聞紫陽遺學竟誰真抱琴爲向山中聽
林下寒棲恐有人

謫僊曾次九芙蓉又落人間劫火中浦思山哀天不管
爲絃吾曲和松風

過手春風不見痕曲中悲壯宛猶聞明朝無限空山夜
月白風清覺少君

人物翩翩美少年不應心事只揮絃書中明理琴中趣
更有歸鴻目外天

日暮江東有所思未須千里寄吾詩但看西北浮雲盡
是我倚樓閑望時

早起

飢鼠號多似訴愁破囊空慣已無羞閑來點檢幽居事

鵝鴉聲中又一秋

大暑絕句

青天只恐還鍊石白日何曾赦覆盆未挽銀河下塵世
欲攜赤縣上魚崙

偶書

車輪有角世無用馬足若方人可尋萬沼千池隨分在
只除明月解同心

山泉

寒溜泠泠爾許清米狂誤拜石爲兄
披山卷地今誰手
夜夜南窗聽此聲

即事

雲白天青浩不收雨晴山色欲無秋
淡煙衰草關何事
落日江波空自愁

睡起

晚醉城南不記回虛簷高枕藉蒼苔
酒醒涼意瀟瀟在
應是前山送雨來

田孝子詩卷

比屋春風夢寐前門閭旌孝見今年
山林未覺渾無望
試手田家第一篇

朱孝子割股詩卷二一首

救本戕肢亦可憐粉身爭忍欲崩天
詩書明日良心在
應對瘡痕一泫然

便律韓文恐太偏狂童十歲亦堪憐
偶從德色耨鋤耆
重爲朱郎賦此篇

鼓城龍湫

池龍聞說卧南州一禱曾分一郡憂
四海蒼生望霖雨

千年誰更傳巖求

讀史

中才隨世就功名恰似焦桐爨下鳴到底中郎惟兩耳
人間多少不平聲

偶書

平生積學連城壁萬古虛名衆口金午睡覺來門巷靜
雨晴風細鷓鴣鳴

雲山晚景圖

天機濃淡出巖姿夢境風雲入壯思畫裏青山照白髮
行藏渾似倚樓時

書田舍壁

里胥初過期無事營幕遲來望有年隣舍借醅留客宿
土床分席枕瓜眠

蘇東坡詩集卷之十一

二十七

煮茶

細聲蚯蚓發銀瓶已覺春雷齒頰生舉似玉川應有語
無絃琴亦是沽名

龜蓮圖

龜約蓮香上翠盤四靈長向畫中看題詩記我十年恨
風月無聲洛水寒

祖愚菴家藏畫冊二首

敗荷野鴨

畫裏瀟湘自要秋詩家野鴨謾多愁試看翠減紅銷處
好稱江清月冷舟

風柳牧牛

遠意升平畫不勝牛邊煙樹渺層層前頭恐有桃林路
百喚溪童不解言

讀史漫記

眼底權姦漢室空伯喈文舉亦才雄王畿廟號關何事却在區區論建中

梅雀扇頭

月影波光澹有春秋風草草最愁人憑君欲寄調羹信恐被枝頭凍雀噴

春雲出谷橫披

筆底天機幾許深雲容直欲見無心苦心只許詩人會不為題詩亦未尋

見梅

朔漠梅花到眼中一枝無限是春風江湖煙雨三千里誰識乾坤造化工

狂生

靜修文集卷之三

放曠無端更自神豪誇欺世語誰真如何老阮無情甚不願兒郎作大人

名吾山亭

平生心事與山親不忍稱呼作此君亭自屬君山屬我四時風景要平分

宿洪崖觀

雲山不受壯心降無限西風撼客窻應是夜深知月出却收風雨入清江

絕句

今朝客為求文至昨日隣嫌借米移木枕質錢多舊帖看囊不必更新詩

北窻看雪

背山樓起人呼俗踏雪詩成奴罵狂不俗不狂高枕上

爛銀堆裏數峯蒼

秋煙疊嶂圖

不傳者死不亡存滅沒天機尚有痕曾向煙霏見真態
依然猶是畫家魂

次人韻二首

花落歸根恐未真又從碩果強尋春玄都觀裏桃千樹
誰是前身與後身

桃花結子更生孫千樹玄都作好春若遇禪家說生死
桃根拈與鬢頭新

靜修先生文集卷之十四

七言絕句

書事 五首

當年一線魏瓠穿直到橫流被國年草滿金陵誰種下
天津橋畔聽啼鶻
目擲而今又獨誰江南回首見旌旗路人遙指降王道
好似周家七歲兒
朱張遺學有經綸不是清談誤世人白首歸來會同館
儒冠爭看宋師臣
風節南朝苦不伸汴流直要到崑崙世宗一死千年欠
此是黃河最上源
唱徹芙蓉花正開新聲又聽採茶哀秋風葉落踏歌起
已覺江南席卷來

登樓絕句

倚遍欄干十二樓卷舒風景入兵籌南山自古為勁敵
秋色終當讓一頭

雪嶺遇雨

天為西游餉我晴野花林鳥效平生今朝雪嶺初逢雨
應是郎山戴帽迎土人謠云郎山戴帽十日無道

寫真詩卷 二首

龍祠嶽廟盡冠巾雨露何關土木身不是二程窮物理
誰從一髮辨天真
彼此相懸一髮邊聖賢廟貌幾千年周郊自有園丘在
莫道金人便是天
共說雲雷起畫龍聲容誰道影堂空含糊若信俗儒論
已落二家僭禮中

漫題

乾坤未覺化機停世態能逃醉裏醒共見白雲又蒼狗
豈知蝶蠃即螟蛉

顏曾二首

陽光浩蕩敘秋容陰景深沈暖漸融萬古顏曾留意象
洪爐春滿聖門風
剪冰成雪儻知冰搏雪成冰見未曾到底春風同一貫
要從此地識顏曾顏愚德曾曾質

雜詩五首

老兔離雞自有春冰壺澈底照來真驢鳴必竟渠皆聽
解識天機得幾人
水花庭草思悠然風月濂溪有正傳二十四年程主簿
已知隨柳過前川

靜修文集十句

天教觀物作閑人不是偷安故隱淪要識邵家風月興
一般花鳥華山春

寒氣常侵一半春詩家道體說來真不教曉入雄雞口
誰喚南窓打睡人

湯鼎石壇老眼親陰陽誰見屈中伸年來併識顏家樂
十月天教齊麥春

梁甫吟

功名且就漢庭多比竟曹瞞果我何汶上千年英氣在
有人梁甫正高歌

偶讀漫記

恍惚天光散亂風向前一蹴是虛空麒麟正要黃金鎖
收入草瓢博約中

真樂攻心不奈何南華風景偶經過憐君日暮不歸去

直到倚門猶自歌

道境

道境相看滿面春平生心事數來真南山正在悠然處
未肯回頭錯應人

感興七首

江山心境儘風神弧矢襟期記此身說與求田田舍叟
遨游何必故鄉春
優游千古禍成胎冷雨踈煙撥不開却喜夷吾成霸業
又思漢武亦英材
天理胸中霽欲流黃浮眉宇酒浮甌生香似見花交樹
引得游蜂舞不休
霜落江湖水太清巖巖山色欲秋爭爭如一覺南窓睡
門外春風草自榮

靜修文集卷十

二二二

功名藉口為蒼生唐漢英風未易輕千載興亡舒卷了
區區勲業亦何成
斷簡殘編絕賞音誰從百鍊見真金龍門千古遺歌後
更覺良工獨苦心
按劍無人誅武后斲棺終恨貸朱梁一杯爽氣迎秋隼
何處雲山是致堂

畫猿

萬古空山只月明畫中依約曉猿鳴幽人未去須深聽
一出出間無此聲

山行遇雨

無邊暮雨暗前山天意人情豈偶然衡岳自能哀吏部
嵩高元不識伊川

華山圖

水邊驚看太華蒼夢中十載果難忘三峰雖乞希夷了
應許劉郎典睡鄉

邯鄲歌枕圖

不見當年夢虎公無端幻術眩愚聾區區政有僂兀異
未便壺中勝枕中

天命

天命無私義理公此身承奉有餘恭人心可信難盡合
親令何由敢勇從

夜坐卸席分賦燈花瓶聲

二首

眉間正有喜千文眼底才消燈一花我自無憂安得喜
不須開向野人家

萬丈潮頭落晚江一瓶收拾入秋窻官商不在人間世
鼻息雷鳴未肯降

霜落

霜落清江一葉秋覺來明月滿江樓酒醒人散夜將半
花上烏啼空自愁

山寺早起

松窻一夜遠潮生斷送幽人睡失明夢覺不知春已去
半簾紅雨落無聲

落花

光景花中自一天精神楚楚照芳筵朝開暮落君休笑
還似人間幾百年

答友人見寄

兩首新詩寄草堂一詩曾許卜隣墻白雲已領歸來約
只恐山靈不解忘

中山道中

不許花開一日先征鞍過處及芳妍只應春隨山翁出
野杏溪桃悵望邊

次人望雨韻

五月良田種不成蓬蒿無雨亦青青袖中準有天瓢在
自是今年夢易醒

李伯時馬

足不能行氣自馳天機深處幾人知世間無物能形此
除我南窓兀坐時

中秋無月

鎮日清明此夜陰如何天意異人心一聲長嘯浮雲盡
快意金杯莫淺斟

答問目執其兩端章

不是黃河且勿論只從河水覓通津西至崑崙東至海

從頭一一認來真

高卧圖

萬里青山卧平地世間何物是元龍無人語與劉玄德
君在青山第幾重

孫尚書家山水卷二首

扁舟老樹傍蒼崖好似今秋雪嶺迴試問黃塵山下渡
幾人曾為看山來

諸公久矣笑吾貪是處雲山欲結菴只有皇鄉解贊助

畫山須畫靜修龕

謂皇州安國

畫圖題品代移文寄謝神川老使君欲乞龍山恐孤絕
南州隆慮且平分

對碁

直釣風流又素琴也應似我對碁心道人本是忘機者

信手拈來意自深

夷皓

萬古人心自有堯直教夷皓怨難消
憑誰移去安歸嘆
換作康衢擊壤謠

聞角

人間無物比悠揚誰遣一聲隨夜長
餘哀到曉無尋處
吹作南湖十里霜

題宋理宗詩卷後

已奈天王自出師眼前興廢想當時
臨江洒洒男兒事
誰向深宮正賦詩

雨中閒雲溪不在

燈火幽窻擬對談十年不到一龍潭
白雲欲作山前雨
應報高僧不在菴

靜修文集卷十

一〇

近新安田君

高車駟馬訪南溪老鷺見田侯拜下風
一遇蓋公能北面
愛君心與古人同

勉齋

萬徑千歧各自分北轅適越亦徒勤
勉齋究竟將何勉
不認途真恐誤君

養齋

莫倚養愚遂自踈保身須要畏刑書
頭邊既有儒冠在
誰為齋名赦得渠

跋遺山墨蹟

晚生恨不識遺山每誦歌詩必慨然
遺墨數篇君惜取
注家參校有他年

題崔氏雪竹海棠二軒

崔氏溪亭竹樹新分題爲我報詩人而今別有春風在
玉立諸孫鶴髮親

王君頌縱私屬詩卷

共賦人形覆載間忍教牛馬與同攔人情比比王褒約
毀券如君亦自難

陶母剪髮橫披

剪髮英明子可知披圖三歎淚雙垂阿娘襟量如陶母
爭信癡兒到老癡

王治中請蠲免回

都南連歲水爲災輸輓區區亦可哀驚見流民行復止
傳聞昨日治中來

題孫氏永慕圖

畫其家山先隴所在

游宦恐忘丘隴念披圖如對白雲孤平生畫卷看多少

最愛孫家永慕圖

賀廉侯舉次兒子

相國當年病且貧乘除天理暗中存青青後樂堂前樹
又見廉泉第二孫

寄揚晉州

字伯榮二首

曾是吾鄉舊幕官秋風碧水記紅蓮而今却憶當時事
回首驚看二十年
南州選舉數三揚中統衣冠半在亡明日朝廷訪耆舊
不應白首尚爲郎

萬壽宮館舍

來時殘雪點征衣落盡庭花尚未歸夢裏不知身是病
春衫歸路馬如飛

陳雄州止善堂詩卷

久被邦君撫養慈野人無路識風姿願將明日甘棠詠
用續諸公止善詩

朱君挽章

送葬曾求薤露辭一家風樹衆人悲十年不廢當時念
篤孝如君亦我師

疎齋二首

漫浪隨時聽自更要從僻汎到無名疎齋未便常為主

月旦明朝有後評

眼前萬事先天圖人力那容巧有餘看盡四傍文理密

環中空闊却如初

題樹上

才脫蓑衣懸網回芒鞋隨意趁蒼苔忽聞人語還私笑

林外誰呼學士來

靜修先生文集卷之十四

贈狂道士

得意雲山是處過逢人對酒即高歌世人休笑狂夫惡

却恐狂夫笑汝多

李臨城哀挽 字仲溫

趙郡經過二十春臨城名姓舊曾聞驚看哀誄傷存歿

帳望恒山日暮雲

長鄉兒子阿延百醉二首

老年生子吾何願所願常推欲及人但願無災保家外

一生長作太平民

和子新詩亦解狂詩中名姓莫相忘通家會有西山約

各喜舊門共父長

